



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

XX. Quod partibus absentibus veritas non potest plenarie inquire: & quod
ad eum, a quo appellatum est, causa non debet remitti.

urn:nbn:de:hbz:466:1-15588

C A P. XIX.

De muliere, quæ est iniuita tradita viro, & detenta, cum inter vim & vim sit differentia, & vtrum postea consensus intercesserit, quia certum nobis nil expressisti, inquisitioni tuae nil possumus respondere. Illos autem qui propter consanguinitatem prohibentur coniungi, & postea contra interdictum ecclesiæ se se receperint, excommunicationi debes subiicere, donec tamdiu separantur, quo usque legitime cognoscatur, vtrum eorum matrimonium de iure possit & debeat stare.

C A P. XX. *Idem Cantuariensi archiepiscopo.*

Ex literis quas super causa matrimonii cuiusdam iuuenis, R. nomine, & Mariae filiae Gileberti de sancto Leodegario, transmisisti, solicitude nobis innotuit, quam in ipsius negotii examine seruasti. Quia vero absentibus partibus veritatem nequiuimus plenarie indagare, nec causam ipsam ad te remittere, a quo pars mulieris ad audienciam nostram noscitur appellasse, eam venerabilibus fratribus nostris, VVintoniensi, Herefordensi, & Bathoniensi episcopis duximus committendam. Ideoque fraternitati tuae per A. S. presentibus mandamus, quatenus partes adire eorum presentiam, cum ab eis fuerint euocatae, & quod ipsi iudicauerint inuiolabiliter obseruare, contradictione & appellatione cessante, compellas.

Ad eum a quo est appellatum, non posse causam remitti.

C A P. XXI. *Idem Urbanus M. Cenom.*

Cum in apostolica sede, cui licet immeriti praesidemus, magisterium resideat totius ecclesiastice disciplinae, dignum est & consonum rationi, ut quoties circa negotium ecclesiæ aliquid dubietatis emerget, ad ipsius deliberationis arbitrium recurratur. Intelleximus siquidem quod cum inter villicum de Herneia & vxorem eius coram teste questio matrimonii tractaretur, & productis testibus, & eorum examinationibus diligenti examine discussis, ante publicationem idem villicus reuersus ad propria, publice inter se & vxorem suam proposuit, sententiam diuortii iudicio ecclesiæ esse promulgatam: & sic suggesta omnibus falsitate, quamdam aliam mulierem facti

Concil. Tom. 27.

Xxx ij